

ՓԱՅՏԱԿԱՐԱՆԸ ԵՎ ՊԱՐՍՊԱՏՈՒՆԻՔԸ Մ. Թ. I ԴԱՐԻ
ԵՐՐՈՐԴ ՔԱՌՈՐԴՈՒՄ

Ս. Դ. ՊԵՏՐՈՍՅԱՆ

«Աշխարհացոյց»-ում հիշատակվող Փայտակարանը և Պարսպատունի-
րը, ինչպես երևում է Ստրաբոնի հաղորդած տեղեկություններից, Ատրպատա-
կանի մարերից նվաճվել և հայկական պետության մեջ ընդգրկվել էին մ. թ. ա.
II դարի սկզբներին Արտաշես Ա-ի (189—160) օրոք՝ Սրանցից առաջինը՝
Փայտակարանը (Ստրաբոնին հայտնի Կասպիանա անվամբ՝ հուլկական աղ-
բյուրների Կասպը կամ Կասպից երկիրը), տարածվում էր Կուրի և Արաքսի
գետախառնուրդի շրջանից մինչև Ատրպատական և Կասպից ծով՝ ներառելով
նաև այժմյան Թալիշի տարածքը։ Երկրորդը՝ Պարսպատունիքը (Ստրաբոնի
Բասորոպղան), տարածվում էր Արաքսի և Ատրպատականի միջև՝ արևելքում
սահմանակցելով Կասպ-Փայտակարանի, իսկ արևմուտքում՝ «Աշխարհա-
ցոյցի»՝ Մարանդ ու Գաբիթյան գավառների հետ։ Այն ընդգրկում էր ներկայիս
Իրանական Աղրբեջանի հյուսիսում գտնվող Ղարադաղ կամ Սիահ-քուհ լեռ-
նային շրջանը²։

Կասպից ծովից արևմուտք ընկած այս շրջանները կարևոր ստրատեգիա-
կան նշանակություն ունեին։ Այստեղից էին Ատրպատական և Հայաստան
ներխուժում Դերբենդի և հարևան լեռնանցքներով եկող «հյուսիսականները»
Հյուսիսային Կովկասի սարմատական և նախո-դադստանյան ցեղերը, ինչպես
նաև հյուսիս-արևելյան Անդրկովկասում բնակվող սրանց ցեղակիցներն ու
ղաշնակիցները՝ սարմատալեզու մագթույթների ղլխավորությամբ։ Կտրել-
անցնելով Կուրը նրա ստորին հոսանքի շրջանում, «հյուսիսականները» դուրս
էին գալիս Փայտակարան, ապա և Պարսպատունիք, որոնց վրայով թափան-
ցում էին մի կողմից Ատրպատական, մյուս կողմից՝ Հայաստանի միջնաշ-
խարհը։ Առաջին դեպքում նրանք հիմնականում օգտվում էին Կասպից և Հա-
յոց լեռնանցքներից, որոնցից մեկը գտնվում էր Ատրպատականի և Կասպ-
Փայտակարանի միջև (այժմյան Սալավաթի լեռնանցքը Իրանական Աղրբեջա-
նի հյուսիս-արևելքում), իսկ մյուսը ընկած էր նախորդից արևմուտք, Ատրպա-
տականի և Պարսպատունիքի միջև (այժմյան Ղարադաղի լեռներում)³։ Երկ-
րորդ դեպքում՝ Կասպի և Պարսպատունիքի վրայով Հայաստանի միջնաշ-
խարհը ներխուժելիս, նրանք օգտվում էին այն ճանապարհներից, որոնք ըն-
թանում էին Արաքսի հոսանքն ի վեր գետի երկրի խորքերը (հիշենք, օրինակ
IV դարի 30-ական թթ. Սանեսանի ղլխավորությամբ տեղի ունեցած մագ-
թույթա-հյուսիսական հրոսակախմբերի ներխուժումը Հայաստանի Միջնաշ-
խարհ)։

¹ Strabo. XI, 14. 5.

² Ս. Դ. Պետրոսյան, Հայաստանը ըստ «Աշխարհացոյց»-ի, Երևան, 1963, էջ 77, 83։

³ Նույն տեղում, էջ 50, 58։

հնդրո առարկա նահանգների 1 գարի երրորդ քառորդի պատմության վերաբերյալ որոշ տվյալներ են պարունակում Տակիտոսի, Հովսեպոս Փլավիոսի և Մովսես Խորենացու երկերը: Դրանք, կցկտուր և թերի լինելով հանդերձ, որոշակի արժեք են ներկայացնում, քանի որ հնարավորություն են տալիս համադրման և այդ համադրումից բխող եզրակացությունների միջոցով վերականգնելու այս շրջանների նշված ժամանակաշրջանի պատմության մի քանի դրվագներ:

Մ. թ. 58 թ. Կոմմագենների, Փոքր Հայքի և Մոփքի թագավորների հետ միասին հռոմեական ու ղաշնակից բանակներով Կորբուլոնը ներխուժեց Մեծ Հայք՝ հայ ավագանու համաձայնությամբ նրա զահին տիրած Տրդատ Արշակունուն վտարելու և այն վերստին հռոմի գերիշխանությանը ենթարկելու նպատակով: Միաժամանակ, հյուսիսից Մեծ Հայք թափանցեցին հենիոխների ու մաբելոնների թագավորի զորքերը, ինչպես նաև Վիրքի թագավոր Փարսման I-ի զլխավորած մոսխերի և իբերների ջոկատները⁴:

Ներխուժած հռոմեական և ղաշնակից զորքերի ճնշման տակ Տրդատ I-ը հեռանում է արևելք: Կորբուլոնը կարծում էր, թե նա քաշվել է Արտաշատ, ասական հետախույզներից տեղեկանալով, որ թագավորը դուրս է եկել հեռավոր արշավանքի ղեպի մարերի երկիրը կամ ղեպի աղվանները, հռոմեական զորավարը, սպասելով լուսաբացին, հղում է թեթևագեղնների ջոկատները, որպեսզի սրանք բոլոր կողմերից պաշարեն բերդապարիսպները և ձեռնամարտի շմտնելով, սկսեն ուղղմական գործողությունները թշնամու դեմ»⁵: Դեպքերին իրազեկ Տակիտոսի այս վկայությունից պարզվում է, որ Տրդատի արշավանքը ուղղված է եղել Ատրպատականի և բուն Աղվանքի միջև տարածված շրջանների ցեղերի դեմ: Ըստ երևույթին, նա մտադրվել էր ամրանալ այստեղ, որովհետև հռոմեացիների համար դժվարահաս այս հողերը հստակում սահմանակցում էին Ասորիստականի հետ, որի վրայով Տրդատը օգնություն էր սպասում իր եղբայրներից՝ Իրանի զահակալ, արքայից-արքա Վաղարշ I-ից և Ատրպատականի թագավոր Բակուրից:

Սակայն Տրդատը ստիպված է եղել լուսաստանելու Ատրպատականում: Ըստ երևույթին, նա այդ քայլին դիմել էր տեղաբնիկ ցեղերի ու նրանց «հյուսիսական» ղաշնակիցների և ոչ թե հռոմեացիների ճնշման տակ: Հռոմեացիները այդ նույն ժամանակ զբաղված էին Արտաշատի և շրջակայքի նվաճմամբ, որտեղ և նրանք անց են կացրել 58—59 թթ. ձմեռը: Հաջորդ տարի՝ 60 թ., Տրդատը մի նոր փորձ արեց վերանվաճելու այս շրջանները, բայց դարձյալ ապարդյուն: «Երբ Տրդատը, անցնելով մարերի հողերով, ներխուժեց նրանց հետ սահմանակցող Հայաստանի շրջանները, Կորբուլոնը ստիպեց հեռանալ նրան, օժանդակ զորքերի հետ միասին նրա դեմ ուղարկելով լեզատ Վերուլանոսին և լեգեոնների հետ միասին շտապելով նրա հետևից»⁶:

Հայտնի է, որ Տրդատի արսաքսումը և նրա փոխարեն հռոմեական զորածո Տիգրան VI-ի զահակալումը Մեծ Հայքում, ինչպես պարթևական կողմնորոշում ունեցող հայ ավագանու, այնպես էլ պարթևական վերնախավի մեջ

⁴ «Հայ ժողովրդի պատմություն», հատ. Ա, Երևան, 1971, էջ 737:

⁵ Tacitus, Annales, XIII, 41.

⁶ Զ. Մանանդյան, Քննական տեսություն հայ ժողովրդի պատմության, հատ. Ա, Երևան, 1944, էջ 336:

⁷ Tacitus, XIV, 23.

ընդհանուր զԺպոհություն տառաջացրին Վաղարշ I-ի վերած քաղաքականությունից: Ընթր՝ Տրդատը, հանդիմանում էր ավագ եղբորը, թե «անգործությունամբ չէ. որ աշակերտ են մեծ պետությունները, այլ մարդկանց և զինքերի մրցակցությամբ»⁸: Ի վերջո, Վաղարշը որոշում է հաշտվել ապստամբ Վրկանի՝ Իրանի հյուսիս-արևելյան ծայրամասի հետ: Ճանաչելով նրա անջատումը և այնպիսի օժանդակ ուժեր ստանալով, նա վերսկսում է պատերազմը Հռոմի դեմ: Ռազմական գործողությունները զարգանում են հօգուտ պարթևների՝ 61 թ. Կորբուլոնի հետ կնքած զինադադարի, ապա՝ հռոմեական նոր զորավար Պետոսի խաչատառակ փախուստից հետո կնքված Հռանդեայի դաշնագրի (63 թ.) համաձայն պարթևա-հայկական կողմը հասնում է Տրդատի ճանաչմանը որպես Մեծ Հայքի օրինական թագավորի:

Հայտնի է. որ Վաղարշն այս անգամ պատերազմը վարում էր առանց իր եղբայրների՝ Տրդատի և Բակուրի մասնակցության, որոնց զալստյանն էր, ըստ Տուկիտոսի, սպասում նա⁹: Մեծ Հայքից Տրդատի բացակայության հանգամանքը ի նկատի ունենալով էր, որ Պետոսը Ասորիքից իր զորքերով ժամանած Կորբուլոնին առաջարկում էր «համատեղ ներխուժել Հայաստանի սահմանները, որը թուլացել էր Վաղարշի հեռանալով»¹⁰: Տրդատի բացակայության փաստն արձանագրված է նաև Հռանդեայի հաշտության մեջ՝ համաձայն որի մի կողմից «ոչնչացվեցին Եփրատի այն կողմում Կորբուլոնի ձեռնարկած բոլոր կառուցումները», իսկ մյուս կողմից՝ «հայերը թողնվեցին առանց տիրակալի»¹¹:

Որտեղ կարող էր լինել Տրդատը: Քանի որ ապստամբ Վրկանի հետ արդեն հաշտություն էր կնքված, ապա, ամենայն հավանականությամբ, Տրդատը և Բակուրը հայ-մարական սահմանամերձ շրջաններում և հյուսիսից նրանց հարող Արևելյան Անդրկովկասի հողերում էին: Ի տարբերություն 59—60 թթ., այս անգամ՝ 61—63 թթ. ռազմական գործողությունները ինչպես արևմուտքում Հռոմի դեմ, այնպես էլ արևելքում, ապստամբ ցեղերի և նրանց հարած «հյուսիսականների» դեմ զարգանում են հօգուտ Արշակունիների: Արդյունքը լինում է Կասպի և հարակից շրջանների վերանվաճումը և «վրկանական» ցեղերի (զրանք հիմնականում ունեին արևելաիրանական-սկյութական ծագում) հաստատումն այստեղ՝ տեղական և եկվոր «հյուսիսական» բնակչության միջավայրում: Վերջիններս միայն զենքի միջոցով էին ենթարկվել Արշակունիների պերիշխանությանը և, բնականաբար, «հյուսիսականների» դեմ մղվելիք ապագա գոտեմարտում Արշակունիները նրանց լոյալության վրա հույս դնել չէին կարող:

Արևելաիրանական-սկյութական ցեղերի մի մասը Արշակունիների արքայական ապառն (կամ պատն) ցեղի զլխավորությամբ Անդրկասպյան երկրամասից Վրկան և Կոմիսենն էր ներխուժել դեռևս մ. թ. ա. 230-ական թթ.¹², իսկ մյուսները՝ ավելի ուշ: Միջինասիացի այս ցեղերի ներխուժումները երբեմն այնպիսի մեծ մասշտաբներ էին ընդունում, որ զրանց

⁸ Նույն տեղում, XV, 1:

⁹ Նույն տեղում, XV, 14:

¹⁰ Նույն տեղում, XV, 17:

¹¹ Նույն տեղում:

¹² М. М. Дьяконов. Очерк истории древнего Ирана, М., 1961, էջ 151:

դիմագրվելը վեր էր լինում անգամ պարթև գահակալների ուժերից (նրանցից Հրահատ I-ը՝ 138—128, և Արտավան I-ը՝ 128—124, ընկան այդ պայքարում), ներխուժումների ընթացքում Իրանի հյուսիս-արևելյան մասում հաստատված արևելաիրանական-սկյութական այս ցեղերի շնորհիվ էր, զբաղվելով ագրարային, որ հյուսիսային Պարթևստանում, Մարգիանայում և հարակից շրջաններում մ. թ. I դարի կեսերին ստեղծվեց Սանաբարի արևելապարթևական իշխանությունը¹³, իսկ փոքրիկ Վրկանի բնակիչները արևմուտքում հայտնի դարձան որպես «հյուրկանների հզոր ժողովուրդ» (Hyrcanorum, gentis validae)¹⁴:

Հյուսիս-արևելյան Իրանի այս ցեղերից Արշակունիների բանակում դիմավորներ կային դեռևս Վաղարշ I-ի նախորդների, հատկապես Արտավան III-ի (12—38) և նրա հաջորդների՝ «վրկանցիներ» Վարդանի ու Գոգերծի (Գոթարզ՝ 38—51) ժամանակ¹⁵: Սակայն պարթևական բանակում սրանց թիվն առանձնապես մեծացավ, երբ, Տակիտոսի վկայությամբ, Վաղարշը 61 թ. «զաղարեցնելով երկաթառակությունը հյուրկանների հետ, կենտրոնացնում է իր հիմնական ուժերը և արշավանքի ելնում այդ հրոսակախմբերի հետ՝ սպառնալով հռոմեական պրովինցիաներին»¹⁶:

Ստրատեգիական կարևոր դիրքեր գրավող շրջաններում ռազմիկ ցեղերի վերաբնակեցումը, ինչպես նաև այդ շրջանների պաշտպանության վստահումը նրանց, մի քաղաքականություն է, որը կիրառվել է բազմաթիվ հարյուրամյակների ընթացքում և ոչ միայն Իրանում: Այն շատ վաղ որդեգրել էին նաև Արշակունիները: Հիշենք, թեև կողմ, Հրահատ I-ի (176—171) կողմից մարզերի ցեղի վերաբնակեցումը Քարաքսի շրջանում՝ Ռագայի (արդի Ռեյի) մոտ գտնվող «Կասպիական դռներ» կոչված լեռնանցքի պաշտպանությունը ապահովելու նպատակով¹⁷:

Վերահիշյալ շրջաններում «վրկանական» ցեղեր վերաբնակեցնելով, Արշակունիները հետապնդում էին երկու նպատակ: Նախ, նրանք հույս ունեին, թե կիսաքոչվորական կյանք վարող այս ցեղերը Հայաստանի արևելյան և Ատրպատականի հյուսիսային շրջանները պատվար կդարձնեն Արևելյան Անդրկովկասի վրայով այս երկրները թափանցող «հյուսիսականների» դեմ: Ապա՝ որպես զենք կրող և միևնույն ժամանակ կենտրոնախույս ձգտումներ հանդես բերող անհուսալի տարրերի, սրանց երկրի կենտրոնական շրջաններում պահելով վտանգավոր էր կենտրոնական իշխանության առաջնությունը տեսակետից:

Այս վերաբնակեցումից դեռ մեկ տասնամյակ չանցած՝ 72 թ. սրլանների զլխավորությամբ տեղի ունեցած «հյուսիսականների» ներխուժումը ցնցեց Հայաստանն ու Ատրպատականը՝ հատկապես աղետաբեր լինելով վերջինի համար: Հովսեպոս Փլավիոսը արշավանքի հետևյալ նկարագրությունն է

¹³ В. М. Массон, Восточнопарфянский правитель Санабар, «Труды ГИМ», вып. 26. Пумизматический сборник, т. 2, М., 1957, էջ 34—42:

¹⁴ Tacitus, XV, 1.

¹⁵ Նույն տեղում, XI, 8, 9 և VI, 36, 44:

¹⁶ Նույն տեղում, XV, 2:

¹⁷ է. է. Դանիելյան, Իսկոյր քաղաքում «Պարթևական կայանները», «Պատմա-բանասիրական հանդես», 1971, № 4, էջ 174 և 180, ծան. 52:

անում («Հուդայական պատերազմը», VII, 7, 4). «Սակայն նրանք (ալանները — Ս. Պ.), մտադիր լինելով այդ ժամանակ ներխուժելու ավարառության նպատակով Մեդիա և ավելի հեռավոր տեղեր՝ խոսքը մեկ արին հյուսիսայինների թագավորի հետ։ Սա էր սերը անցքի։ որը Աղեքսանդր թագավորը փակել էր երկաթե դռներով։ Արդ՝ երբ վերջինս նրանց տրամադրության տակ դրեց անցքը, նրանք միահամուռ հարձակվեցին մեդացիների վրա, ավարի առան բազմամարդ երկիրը, որ լի էր ամեն տեսակ անասուններով. և ոչ ոք չհամարձակվեց նրանց դիմադրել, որովհետև այս երկրի Բուկուր թագավորը սարսափած փախել էր դժարամատույց տեղեր, թողնելով բոլոր մյուսներին բախտի քմահաճությանը։ Հազիվհազ նա կարողացավ ազատել նրանց ձեռից կնոջը և հարձերին, որ գերի էին բռնված՝ վճարելով հարյուր տաղանդ։ Ալանները մեծ հեշտության մեջ առանց կովի կողոպուտի մատնեցին երկիրը մինչև Հայաստան և հեռացան՝ վերցնելով իրենց հետ ամբողջ ավարը։ Հայաստանում թագավորում էր Տրդատը, որը ռազմերթի ելնելով նրանց դեմ, ճակատամարտ ավելց և քիչ էր մնում, որ կովի ընթացքում նրանց ձեռքը գերի ընկներ կենդանի։ Ալաններից մեկը հեռվից պարան ձգեց նրա վրա և նրան արդեն բռնելու էր, սակայն Տրդատն իսկույն իր սրովը պարանը կտրեց և շտապ փախավ»¹⁸։

Տրդատ I-ի և «հյուսիսականների» ընդհարման նույն դեպքի մի ուրիշ նկարագրություն է բերում Մովսես Խորենացին՝ վերագրելով այն Խոսրովի որդի Տրդատին, այսինքն՝ պատմական Տրդատ III-ին (298—330)։ Սակայն վաղուց է հայտնի, որ Խորենացու Տրդատի մեջ պահպանված են ոչ միայն վերջինիս, այլև Տրդատ I-ի գծերը՝ հատկապես ակնառու ներքոհիշյալ հատվածում¹⁹։ «Իսկ թագաւորն Տրդատ ամենայն Հայաստանաւք իջեալ ի դաշտն Գարգարացոց՝ պատահէ հիւսիսականացն ճակատու պատերազմի. եւ ի խառնել երկոցունց կողմանցն՝ յերկուս ճեղքէ զամբոխ թշնամեացն, սկայաբար շահատակելով։ Ոչ կարեմ ասել զերազութիւն ձեռինն, որպէս անբար ի նման՝ յերկիր անկեալ թաւալազոր խաղային, օրինակ իմն ի գեղեցիկ ցանցորդէ լի ձկամբք յերկիր թաւթափեալ ցանցոյն կայտոէին յերեսս երկրին։ Զոր տեսեալ թագաւորին Բասլաց (հյուսիսականների—Ս. Պ.)՝ մաւտ հասանէ յարքայն եւ հանեալ յասպազինէն զներդեայ քմխտապատ սարանն, եւ կորովութեամբ ձգեալ յետուստ կողմանէ՝ ճահ գիպեցուցանէ յուս ձախակողմանն եւ յանութ աջակողմանն. զի էր վերացուցեալ զձեռնն ածել ումբ սուսերաւ. եւ ինքն վառեալ վերտ ուղահայեակաւք, ուր ոչ գծէին նետք։ Եւ քանզի ոչ կարաց շարժել ձեռամբ զհսկայն զլանջաւք առ երիվարին. եւ ոչ այնչափ ինչ շութափեաց մտրակել զերիվարն, քան թէ ահեակ ձեռամբն ի ներդեայն աճապարեալ սկային, եւ սաստկութեամբ ուժոյն գիրեաւ ցանցեալ՝ ի ճահ գիպեցուցանէր զերկուս յրին, եւ ընդ մէջ կտրէր զայրն եւ զոյգ ընդ պարանոցին զպլուխ երիվարին։ Իսկ զաւրացն ամենայնի տեսեալ զթագաւորն իւրեանց եւ զզաւրաւորն մի-

¹⁸ Տե՛ս Հ. Մանանդյան, Քննական տեսություն հայ ժողովրդի պատմության, հատ. Բ, մասն Ա, Երևան, 1957, էջ 9—10։

¹⁹ Նույն տեղում, հատ. Ա, Երևան, 1944, էջ 354—355։ Մ. Արեղյան, Երկեր, հատ. Ա, Երևան, 1966, էջ 214։ Н. Адонц, Армения в эпоху Юстиниана, Ереван, 1971, էջ 433. М. И. Артамонов, Очерки древнейшей истории хазар, Л., 1936, էջ 121։

ջակտուր յալնպիօի ահաւոր բազկէ լեալ՝ ի փախուստ դառնային. զորոց զհետ մտեալ Տրդատ, վարէ մինչեւ յաշխարհն Հոնաց»²⁰,

Գարգարացվոց զաշտը, որտեղ Տրդատը ընդհարվել էր «հյուսիսականներին» հետ, դտնվում է Կուրի և Արաքսի գետախառնուրդի շրջանում՝ համապատասխանելով այժմյան Միլի դաշտին²¹։ Ինչպես պարզվում է Փլավիոսի և Խորենացու հաղորդումների համադրումից, ալանները և՛ Ատրպատական ներխուժելիս, և՛ այնտեղից վերադառնալիս անցել էին Կասպք-Փայտակարանի վրայով։ Նշանակում է, այս շրջաններում «հյուսիսականները» ոչ միայն դիմադրության չէին հանդիպել, այլև ունեցել էին իրենց աջակիցները, որոնց օգնության շնորհիվ նրանք հեշտությամբ թափանցել էին Ատրպատական և ավարի մատնել այն։

Նման հանգամանքներում «հյուսիսականների (վրկանների) թագավորի» հարցին կարելի է ասել նոր լուսաբանում։ Քանի որ, ըստ Փլավիոսի, ալանները, ստանալով «հյուսիսականների թագավորի» աջակցությունը, անմիջապես ներխուժել էին Ատրպատական-Մսրաստան, ուստի սա չէր կարող լինել ո՛չ վրկանի, ո՛չ էլ Վիրքի թագավորը, ինչպես նախկինում կարծում էին²²։ Սա կարող էր լինել միայն Կասպքում հաստատված վրկանցի վերաբնակիչների ցեղապետը, որը հնարավոր է, եղել է նաև այս շրջանի փոխարքան։ Այս ենթադրությունը հավանական է նախ նրանով որ այս կողմերում միայն վրկանցի վերաբնակիչների ցեղապետը կարող էր արևմուտքում հայտնի դառնալ «հյուսիսականների թագավոր» անվամբ, ապա՝ նրանով, որ Կասպքի կառավարիչի գիտությամբ ու աջակցությամբ միայն «հյուսիսականները» կարող էին անսպասելի կերպով ներխուժել Ատրպատական և հանկարծակիի բերել նրա Բակուր Բագավորին։ Ըստ այսմ, «հյուսիսականների թագավորի» տիրապետության տակ գտնված լեռնանցքը, որն «Աղեքսանդր թագավորը փակել էր Երկաթե դռներով» և որով ալանները ներխուժել էին Ատրպատական, լինելու էր Կեղծ Կալիսթենեսի «Վարք Աղեքսանդրի» երկում «մերձ յաշխարհն Թալիշ ի գաւառն Գիլանայ» հիշատակված, մեկ հայտնի Կասպիական լեռնանցքը՝ Կասպքի հորավում, նրա և Ատրպատականի միջև²³։

Անդրկովկասից «հյուսիսականների» հեռանալուն հաջորդած իրադարձությունների նկարագրությունն է պարունակելու Խորենացու հետևյալ հաղորդումը Կասպից երկրի և Ատրպատականի հարակից շրջանների վերանվաճման մասին։

«Յետ մեռանելոյ վերջնոյ Արշակայ թագաւորի Պարսից, թագաւորեցոցանէ մերս Արտաշէս՝ զհամանուն իւր զԱրտաշէս որդի նորին ի վերայ Պարսից աշխարհին։ Եւ ոչ կամեցան հնազանդել նմա բնակիչք լերինն, որ անուանեալ կոչի յիւրեանց լեզուին Պատիժահար գաւառ, որ է Գեղմաքց լեռան, և ծովեղերեայք. Եւ այսր Եւս քան զնոսա. նա Եւ Կասբից երկիրն յայն սակս սպաստամբ ի մերոյ արքայէն։ Վասն սրոյ առաքէ ի վերայ Եոցա Արտաշէս զՍմբատ ամենայն գաւառքն Հոյոց, ինքն արքայ յուղարկ երթալով աւուրս եաւթն։ Իսկ Սմբատայ երթեալ հնազանդէ պամենեսեան. բայց զերկիրն Կաս-

²⁰ Խորենացի, Բ, 86։

²¹ Ս. Ս. Երեմյան, Հայաստանը ըստ «Աշխարհացոյց»-ի, էջ 46։

²² Հ. Մանանդյան, Նշվ. աշխ., հատ. Բ, մասն Ա, էջ 10։

²³ Ս. Ս. Երեմյան, Հայաստանը ըստ «Աշխարհացոյց»-ի, էջ 58։

րից աւերեալ՝ առաւել քան զԱրտաղեան զերի ածէ ի Հայս. քնդ որս եւ զԶարդմանոս անուն թագաւոր նոցին»²⁴։

Հայտնի է, որ բերված հատվածում հիշատակված հայոց արքան՝ Խորենացու Արտաշես II-ը, իր մեջ պահել է թե՛ պատմական Արտաշես I-ի և թե՛ Տրդատ I-ի գծերը²⁵։ Գ. Տիրացյանի կարծիքով, Արտաշես II-ի զորավար Սմբատ Բագրատունու կողմից Կասպից երկրի վերանվաճման և նրա բնակիչների գերեվարման մասին այս հաղորդումը վերաբերում է պատմական Արտաշես I-ին և ղուգահեռն է նրա այս կողմերում կատարած նվաճումների մասին Ստրաբոնի վերահիշյալ հաղորդման (XI, 14, 5)²⁶։ Մեր կարծիքով, Մովսես Խորենացին իր զրավոր աղբյուրից (դա համարվում է ինքնուրույն քրմի «Մեհենական պատմությունը»)՝ եկող չոր ու ցամաք հաղորդումը Արտաշես I-ի կողմից Կասպիանա-Կասպի նվաճման մասին լրացրել է բանահյուսական Արտաշեսի՝ տվյալ դեպքում Տրդատ I-ի, նույն շրջանի վերանվաճելու մասին իր բանավոր աղբյուրի տեղեկություններով։ Ստացվել է Արտաշես I-ի և Տրդատ I-ի կատարած համասման գործողությունների միատեղում և դրանց վերագրումը՝ Խորենացու մոտ այս երկու գահակալների գծերը պահպանած Արտաշես II-ին։

Ինչպես տեսանք, Կասպի հնազանդեցումը Խորենացին վերագրում է Արտաշեսի թագադիր և զորավար Սմբատ Բագրատունուն։ Սրան պետք է նույնացնել նույնպես Խորենացուց հայտնի մարաբուսյան Վաղարշակի (հայ Արշակունիների արքայատոհմի ավանդական հիմնադրի) թագադիր և զորավար Շամբատ Բագրատի հետ²⁸ (Խորենացուն է պատկանում Շամբատ և Սմբատ անունների նույնությունը տեսակետը)²⁹։ Իսկ վերջինս ոչ թե մտացածին, այլ իրականում գոյություն ունեցած անձնավորություն է՝ ժամանակակիցն ու ռործակիցը Տրդատ I-ի, կառավարիչը Մեծ Հայքի մի շարք ժայռամասային շրջանների³⁰։

Կասպի թագավոր Զարդմանոսը լինելու էր ապստամբությունը մասնակցած տեղի վրկանցի վերադարձիչների ղեկավար՝ ալանների ղեկավար պատմական ճանապարհ տված «հյուրկանների թագավորն» ինքը։ Սրա անունը իրական է և բաժանվում է Ջաղ ու մանու բաղադրիչների։ Դրանցից առաջինը այն կրող անձնավորության մականունն է՝ նույնական իրականական լեզուների շարժ «դեղին», «չեկ», «գունատ» բառի հետ (համար. միջին պարսկերեն շարժ «դեղին», նոր պարսկերեն *zard* «դեղին», «գունատ», տաջիկե-

²⁴ Խորենացի, Բ, ձգ։

²⁵ Այս առթիվ տես Ա. Գարագաշյան, Քննական պատմություն Հայոց, Թիֆլիս, 1895, էջ 242—250; Հ. Մանանդյան, Եզդ. աշխ., հատ. II, էջ 353 և հատ. Բ, մասն II, էջ 12—14; Գ. Խ. Սարգսյան, Հիլլենիստական դարաշրջանի Հայաստանը և Մովսես Խորենացին, Երևան, 1966, էջ 182; «Հայ ժողովրդի պատմություն», հատ. II, էջ 763; Н. А. Дюбуа, Армения в эпоху Юстиниана, էջ 432։

²⁶ Գ. Տիրացյան, Մովսես Խորենացու «Հայոց պատմության» և Ստրաբոնի «Աշխարհագրության» միջանկյալ զրկագներ Հայաստանի ն. մ. թ. III—II դարերի պատմության մասին, «Մանրեր Մատենադարանի», 1962, N 6, էջ 17—24։

²⁷ Գ. Խ. Սարգսյան, Եզդ. աշխ., էջ 166—172 և 237—241։

²⁸ Խորենացի, Բ, կդ։

²⁹ Նույն տեղում, Բ, կդ։

³⁰ «Հայ ժողովրդի պատմություն», հատ. II, էջ 747, 835։

րեն 3a104 «ղեղին», «շեկ», «սպիտակահեր»)։ Հետաքրքիր է, որ աաջիկները այժմ էլ Զառդ անձնանունն են տալիս շիկահեր նորածիններին³¹։ Ինչ վերաբերում է քննարկվող անվան մալուս բաղադրիչին՝ բուն անձնանվանը, ապա այն կարելի է նույնացնել Ամատունի նախարարների ավանդական նախնու Մալու անվան հետ և դասել Մալ արմասը պարունակող իրանական այնպիսի անձնանունների շարքը, ինչպիսիք են. Մալուշեհր (Մանաձիհր), Մալավազ, Մալենե, Մալիթե, Մալենե և այլն։ Մեր կարծիքով, նույնական են թե՛ Մալուս ու Մալու անձնանունները և թե՛ դրանք կրող անձնավորությունները։

Ամատունի նախարարական տոհմի ծագման և հիմնադիր Մանուի մասին Մովսես Խորենացին գրում է. «Յուուրս սորա (Արտաշես II-ի—Ս. Պ.) ասնն եկելալ զազգն Ամատունեաց ի կողմանցն արեւելից Արեաց աշխարհին։ Բայց են սոքա բնութեամբ հրեայ, ի Մանուէայ ումեմնէ. որոյ Երզի էր մեծահասակ ևւ ուժեղ, Սամսոն կոչեցեալ, որպէս սովորութիւն է Հրէից՝ ըստ յուսոյ զնախնեացն կոչել զանուանս. Բայց է ճշմարիտ, որպէս ևւ այժմ իսկ է տեսեալ ի զարմս Ամատունեաց, քանզի անձեայք ևւ բարեձեւք ըստ պատշաճի վայել են ամենայն իրաւք ևւ ուժեղք։ Տարեալք են նոքա ի յԱրշակայ առաջինի Պարթեւաց թագաւորեցելոյն ևւ յառաջադիմութեամբ անդէն յԱրեաց աշխարհին ի պատիւ հասեալք ի կողմանս Ահմատանի։ Բայց թե յի՛նչ պատճառաց զալուստ նոցա այսր՝ ոչ գիտեմ. այլ պատուին յԱրտաշիսէ՝ զեղիւք ևւ դաստակերտաւք, ևւ անուանին Ամատունիք, որպէս թե Եկք։ Եւ կէսք ի Պարսից՝ Մանուեանս զնոսա կոչեն յանուն նախնոյն»³²։

Ամատունիների հրեական ծագման վարկածը, թերեւ, Խորենացու ենթադրածը չէ և բխում է հների այն համոզումից, թե պարթևներն առհասարակ, և Արշակունիները մասնավորապես, սերում էին Աբրահամ նահապետի և Քեսուրայի՝ արեւելք հեռացած որդիներից³³։ Սակայն Ամատունիների նախնուն Խորենացին ինքն է հրեա դարձրել՝ ինչ-որ շափով տուրք տալով այս տեսակետին, ինչպես նաև ելնելով նրա Մալու անվան և առասպելական Սամսոնի հոր Մալուէ, Մալովէ (<հուն. Μανωε < եբր. Manōha)³⁴ անվան պատահական նմանության հանգամանքից։ Իրավամբ, մերժելով թե՛ Ամատունիներին հրեական ծագում վերագրելու և թե՛ նրանց տոհմանունը պարսկերեն amad-an (آمدان «գալ») բառից ըխեցնելու փորձերը, Ն. Ադոնցը Ամատունի տոհմանունն առաջարկում է կապել mad, amad կամ mat-, mand էթնոնիմների հետ և ըստ այդմ Ամատունիներին վերագրել մարական կամ մատիենամաւոյեական ծագում³⁵։ Բայց, քանի որ Ամատունի-Մանույանները քաջաւեղյակ էին իրենց նախնիների սկզբնապես արեւելյան իրանում («ի կողմանցն արեւելից Արեաց աշխարհին») բնակվելու հանգամանքին, ապա մնում է ենթադրել, որ «պարթեւ-վրկանական» ծագում ունեցող Մանույանները Կասպից հետո տիրույթներ ստանալով Արտաշիսում, հետագայում սեփականել էին նաև նրա հին տերերի Ամատունի տոհմանունը (ճիշտ նույն կերպ Արշակունի-

³¹ А. Г. Гафуров, Способы и виды наречения детей у таджиков, «Индийская и иранская филология», М., 1964, № 287—288.

³² Խորենացի, Բ, 81։

³³ Նույն տեղում, Բ, ա և կր։

³⁴ Հ. Աճառյան, Հայոց անձնանունների բառարան, հատ. Գ, Նրեան, 1946, էջ 204.

³⁵ Н. Адопц, նշվ. աշխ., էջ 418, 419, ծան. 1, 2, 3։

ներին ազգակից Կամսարականների՝ Արշարունիքում հաստատված ճյուղը սեփականել էր նրա հին տերերի Աշարունի, Արշարունի տոհմանունը)։

Հայտնի է, որ Արտազ զավառը կոչվել է նաև Շաւարշական կամ Շաւարշաւն։ Նրա այս անվանումները նորից առնչվում են արեւելյան Իրանի հետ՝ յուրյց տալով այնտեղից ելած էթնիկական տարրի առկայությունն Արտազում։ Սրանց հիմքում բնկած Շաւարշ անձնանունը իրանական Սիավուշ զիջանվան տարբերակներից մեկն է (հմմտ. ավեստայի Syavaršan, միջին պարս. Siyāvališ, երբ պարս. سیاهوش, Siyāv(ī)s)³⁶։ Այս անվամբ հայտնի նախկին մեռնող-հառնող աստվածությունը արեւելաիրանական-միջինասիական ծագում ուներ և որպես էպիկական հերոս համարվում էր հիմնագիրը հին հորեղմի արքայական զինաստիպի³⁷, որը հեռավոր լազգակցություն ուներ Արշակունիների հետ³⁸։

Ինչպես տեսանք, Մովսես հորենացին գիտեր, որ Ամատունի-Մանույանները սերում էին արեւելյան Իրանից։ Միևնույն ժամանակ նա չիմանալ չէր կարող, որ այս նախարարական տոհմի ժառանգական տիրույթը Արտազն էր։ Այսուհանդերձ, նա Արտաշես-Տրդատ I-ի օրոք Արտազում հաստատված զաղթականությանը վերագրում է ոչ թե իրանական, այլ ալանա-արգոզյան ծագում։ Նա գրում է. «Զի յետ այնչափ արութեանց՝ (Սմբատը—Ս. Պ.) օգնական եղբարն Սաթինկան յաշխարհն Ալանաց հանդերձ զօրու երթայ հրամանաւ Արտաշիսի։ Քանզի մեռաւ հայր Սաթինկան, եւ այլ ոմն բռնացեալ թագաւորեաց աշխարհին Ալանաց, եւ հալածէր զեղբայրն Սաթինկան. զոր վանեալ՝ հերքէ Սմբատ. եւ տիրացուցանէ ի վերայ ազգին զեղբայրն Սաթինկան, եւ զերկիր հակառակորդացն աւերէ. զամենայն միահամուռ ածէ գերի՝ սաստիկ յԱրտաշատ։ Եւ հրամայեալ Արտաշիսի բնակեցուցանել զնոսա ի հարաւոյ յարեւելից կուտէ Մասեաց, որ կոչէր Շաւարշական դաւառ, ի վերայ պահելով զբնիկ անունն Արտազ. քանզի եւ աշխարհն ուստի գերեցանն՝ Արտազ կոչի մինչեւ ցայսար ժամանակի»³⁹։

Հետաքրքիր է, որ Սմբատ Բագրատունու ալանական արշավների և տեղական ջնակչության գերեվարման վերաբերյալ հորենացու այս սուղերը անմիջապես նախորդում են նույն Սմբատի կողմից Կասպից երկրի ավերման և նրա Զարգմանոս թագավորին իր ցեղակիցներով գերեվարելու մասին հաղորդմանը։ Իսկ զրանց նախորդում է Սմբատ Բագրատունուն ձոնված հեղինակի ներբողյանը, որը զրանց հետ միասին կազմում է մեկ ամբողջություն, կարծես առանձնացնելով զրանք մնացած ամբողջ շարադրանքից։ Պակաս հետաքրքրական չէ նաև այն, որ Մովսես Կաղանկատվացին, ալաններին ու ազգականներին նույնացնելով, արշավանքն ուղղված է համարում վերջիններիս դեմ⁴⁰։ Դժվար թե միայն ալան (կամ աղան) և աղվան ցեղանունների նմանությունը այսպիսի շփոթ առաջացներ, եթե նա տեղյակ չլիներ հորենացու Արտաշես II-ի օրոք հայկական զորքերի Արեւելյան Անդրկովկաս թափանցելու փաստին։ Հակառակ դեպքում նա ևս, հորենացու հետևություններ

36 Հ. Ա. Ճառյան, Անձնանունների բառարան, հատ. Գ, Երևան, 1948, էջ 155։

37 Абурейхан Бруни, Избранные произведения, т. I, Ташкент, 1957, էջ 47։

38 С. П. Толстов, Древний Хорезм, М., 1948, էջ 202—203։

39 Խորենացի, Բ, ծր։

40 Եւ աղանկատվացի, Ա, ր։

կառի այնպիսի Արդոզ երկրի և հայկական Արտազ գավառի անունների հնչյունական որոշ նմանությունը (իսկ որ Արդոզ երկիրը անժամանակ չէր հին հայերին, ցույց են տալիս «Աշխարհացոյց»-ի հեղինակի հետևյալ բացատրությունը. «Եւ ականք են յետ Դիգորին, յԱրդոզ աշխարհին Կաւկասին լեռանցն») ⁴⁴։ Սակայն Արտազ գավառի անունը ավելի հին է, քան պատմական ժամանակաշրջանում այստեղ հաստատված որեւէ պաղթականություն։ Այն ներկայացնելու է ուրարտական արձանագրությունների Աltun և Երկրանվան հայկական ձևը (քանի որ Արտազ գավառի տարածքը համընկնում է նախկին Ուլտուզայի հետ) ⁴⁵։

Ըստ երևույթին, Կասպիցի գերեվարված ալանները վերաբնակեցվել էին Արտազից հարավ և Կապուտան լճից հյուսիս-արևմուտք ընկած այն հողերում, որոնք կազմում են Ալանդ-ռուս (այժմ՝ անդ, Åland-rud) ⁴⁶ գետի հովիտը։ Այս գետանվան մեջ առկա է նույն ալանների ցեղանվան alant տարբերակը ⁴⁷։ Ալանների այս հատվածի տոհմա-ցեղային ավագանուց էր սերելու Առավելյան նախարարական տոհմը։ Սրա ալանական ծագման և Արտաշես II-ի (Տրդատ I-ի) օրոք Հայաստան գալու մասին տեղեկացնում է Մովսես Խորենացին (ընդ որում, Ամատունի-Մանուկյանների գալուստը հայտնելուց անմիջապես հետո)։ «Ի սորա Կուրս եւ Առաւելեանքզ, յազգէ Ալանաց, մերձաւորք Սաթինկան, զհետ նորա եկեալք՝ կարգեցան յազգ եւ նախարարութիւն աշխարհիս Հայոց, որպէս հարազատք թագուհւոյն մեծի» ⁴⁸։

Արշակունիների քաղաքականությունը՝ ուսումնասիրվող շրջաններում վրկանցի վերաբնակիչ ցեղեր կենտրոնացնելու և տեղական ռազմիկ ցեղերին իրենց կողմը գրավելու միջոցով Հայաստանի և Ատրպատականի անվտանգությունը «հյուսիսականներից» ապահովելու գործում, մատնվեց անհաջողության։ 72 թ. իրադարձությունները Տրդատ I-ին ստիպեցին փոխել իր վերաբերմունքը նրանց նկատմամբ՝ ապակենտրոնացնել նրանց, այս ցեղերի որոշ հատվածներին լեռնանցքամերձ շրջաններից հեռացնելու և նրանց տոհմա-ցեղային ավագանու հզորությունը ջլատելու միտումով։

Տրդատ I-ի և նրա գահակալ եղբայրների ձեռնարկած հաջորդ քայլը եղավ այդ շրջաններում բուն Պարթևստանից բերված առավել վստահելի ցեղերի բնակեցումը։ Վերոհիշյալ «վրկանների» նման, սրանք ևս հիմնականում ունեին արևելաիրանական-սկյութական ծագում։ Սրանցից մեկն էր Արշակունիների արքայական ապառն ցեղը, որն այստեղ իր գոյությունը պահպանել էր անդամ V դարում և ապարհացի (կամ ապարհայիկ) անվամբ Եղիշեի կողմից հիշատակվել զեղերի և կատիչների հետ միասին ⁴⁹։ Ս. Տ. Երեմյանը, ելնելով, ինչպես այս, այնպես էլ այն փաստից, որ Համդուլլահ Ղազվինին Կուրի գետաբերանից ոչ հեռու հիշատակում է նրանց էթնոնիմը պահպանած Ապար-

44 Ս. Տ. Երեմյան, Հայաստանը ըստ «Աշխարհացոյց»-ի, էջ 102։

45 Նույն տեղում, էջ 40։

46 Նույն տեղում, էջ 32։

47 Ս. Տ. Երեմյան, «Աշխարհացոյցի» սկզբնական բնագրի վերականգնման փորձ. «Պատմա-բանասիրական հանդես», 1973, № 2, էջ 267, թան. 66։

48 Խորենացի, Բ, ծը։

49 Եղիշե, գլ. 2։

շահր քաղաքը, ապարհացիների բնակության շրջանը որոշում է Կասպքի այն մասում, որը հարում էր հյուսիսային Ատրպատականին (այստեղ էին բնակվում կատիշները՝ անտիկ աղբյուրների կադուսիները) և Գեղումը-Գիլանին (այստեղ էին բնակվում գեղերը՝ այժմյան գիլանցիների նախնիները)⁵⁰։ Ապառն-ապարհացիների մի ուրիշ հատվածը Արշակունիները բնակեցրել էին կենտրոնական Հայաստանում։ Սրանց վերաբերյալ Ս. Տ. Երեմյանը գրում է. «Այս ցեղի մի հատվածը, ինչպես կարելի է ենթադրել, մ. թ. I դարում հաստատվել է Հայաստանում Վանա լճից հյուսիս։ Այս ցեղի անունով այստեղ գտնվող գավառը Մանավազակերտ քաղաքով կոչվել է «Ապալի» հունիք»։ Այս անունով հայտնի էր վաղ միջնադարյան Հայաստանում «Ապահունյաց» նախարարական տոհմը»⁵¹։

Արշակունիների հայրենի ցեղի Կասպք-Փայտակարանում ունեցած բնակության հետևանքն է Արշակունիների տոհմական պաշտամունքային կենտրոններից մեկի առկայությունն այստեղ։ Նկարագրելով հայոց Խոսրով Մեծ (217—238) արքայի տարած հաղթանակները Սասանյանների դեմ, Ագաթանգեղոսն այնուհետև ավելացնում է. «Ապա հրաման տալը (Խոսրովը—Ս. Պ.) ընդ կողմանս կողմանս դեսպանս արձակել, հրովարտակս առնել, յևրն բազինս մեհենիցն ուխտաւոր լինել պատկերաց կողց դիցն պաշտաման։ Սպիտակ ցուր եւ սպիտակ նոխազաւք, սպիտակ ձիովք եւ սպիտակ ջորովք, ոսկեղէն եւ արծաթեղէն զարդուք... զիր ազգին Արշակունեաց զհայրենեացն պաշտամանց տեղիսն մեծարէր»⁵²։ Հիշյալ ուխտատեղին նույնն է Կասպք-Փայտակարանի Խարնփորակեան բազինք (նաև Գարառու բազինք) կոչված կրակապաշտական սրբավայրի հետ, որը տեղադրվում է ներկայիս սովետա-իրանական սահմանի մոտ գտնվող Կաօրրի (Դաբառու) կուրգանի մոտակայքում⁵³։

Ըստ երևույթին, ապարհացիների սրբավայրերից է եղել նաև Յաշտասար լեռը Կասպքի և Պարսպատունիքի միջև⁵⁴։ Անունն արդեն ցույց է տալիս սրա երբեմնի պաշտամունքային օբյեկտ լինելը։ Յաշտասար < yast + asar, այսինքն՝ «զոհասար» (հմմտ. պահլ. yašt, ավեստ. yashtay «զոհ» և հայկական Աշտիշատ սրբավայրի անունը)։ Այս լեռն Ատրպատականում ըստ երևույթին հայտնի էր արար մատենադիրների հիշատակած ܐܒܪܚܬܐ (արաբերենում տառադարձվում էր abraštaiim) անվամբ⁵⁵։ Անունը պետք է բաժանել ܐܒܐ (abar, apar-n) اشت (ast, yašt) և ܐܡܐ (vim, vēm) բաղադրիչների։ Քանի որ vim, vēm նշանակում է «ժայռ, սար» (հմմտ. ավեստ. vaēnia, պահլ. vēm) հայ.

50 С. Т. Еремян, Страна «Махелония» надписи Кааба-и-Зардушт, ВДН. 1967, № 4, էջ 56։

51 «Հայ ժողովրդի պատմություն», հատ. Ա, էջ 713, ծան. 21։

52 Ագաթանգեղոս, գլ. Ա, էջ 34 (ընդգծումը մերն է—Ս. Պ.)։

53 Ս. Տ. Երեմյան, Հայաստանը ըստ «Աշխարհացոյց»-ի, էջ 51, 46։

54 Նույն տեղում, էջ 72։

55 «Արարական աղբյուրները Հայաստանի և հարևան երկրների մասին», Երևան, 1965, էջ 9, 124, ծան. 9։

վիւմ), տասի *اير شتوي* լեռան անունն ամբողջությամբ ունի «Ապար (ցեղի, դոհասար» իմաստը:

Արաբական մատենագրության մեջ «Մուղանի երկրում, Բագի կողմերում» (այսինքն՝ այնտեղ, որտեղ տեղադրվում էր *اير شتوي* լեռը) հիշատակվող Արշակ, *ارشاك* լեռը⁵⁶, հավանաբար նույն Հաշտասար—*اير شتوي* լեռն է: Սրա տեղադրումը Իրանական Ադրբեջանի Արշակ մահալի տարածքում, որն ընդգրկում է Սավալան-Արդեբիլ գծից հյուսիս ընկած հողերը (այստեղ էր գտնվում և Բագը), հավանական է համարում Հ. Թ. Նալբանդյանը⁵⁷: Ըստ այսմ, Արշակը լինելու էր Ատրպատականի նույնանուն շրջանի հյուսիս-արևմուտքում գտնվող Հաշտասար—*اير شتوي* լեռան պաշտոնական անվանումը:

Դա հավանական է այնքանով, որ ապառնը Արշակունիների հայրենի ցեղն էր, հետևաբար իրենք՝ այդ ցեղի անդամները իրենց զոհասարը կարող էին կոչել Արշակ, որը թե՛ իրենց տոտեմ-նախնու անունն էր, և թե՛ դրանից ծագած Արշակունի գահակալների դինաստիական անունը⁵⁸: Հնարավոր է նաև, որ այս լեռը ձևավորվել է եղել Արշակունի նախնիների դինաստիական պաշտամունքին, ուստի և կրել է նրանց դինաստիական անունը (հմմտ. Կոմմագենեյի նեմրութ լեռը որպես Երվանդունի արքայատոհմի դինաստիական պաշտամունքի վայր):

Արշակունի-ապառնական տարրի Կասպքում և Ատրպատականի հարակից շրջաններում ունեցած բնակության հետևանքն է, հավանաբար, Իրանի էպիկական հերոսներից մեկի՝ Սպանդարի (*اسفندیار*) այստեղ վայելած լայն ժողովրդականությունը: Ատրպատականում գտնվող Սավալան լեռան մեջ Սպանդարի փակվելու մասին պատմվել է մի առասպել, որն ընդհանուր գծերով հիշեցրել է Դեմավենդում բանտարկված Բյուրասպի Ափղահալի և Մասիսում քաջքերից արգելված Արտավազդի առասպելները⁵⁹: Հարևան Կասպքում Սպանդարին նվիրված զրույցների և առասպելների գոյության վերաբերյալ նման վկայություններ չեն պահպանվել, սակայն դրանց հրեմանի գոյության արդյունքներն են Ատրպատականին սահմանակից Կասպ-Փայտակարանի գավառներից մեկի Սպանդարան-Պերոթ և նրա կենտրոն բնակավայրի Սպանդարան անվանումները⁶⁰: Իրար հարևան այս շրջաններում Սպանդարի վայելած ժողովրդականությունը երևույթը բնական է, որովհետև Սպանդարը՝ արևելաիրանական-միջինասիական ցիլիկի էպիկական այդ հերոսը⁶¹, համարվել է «պարթևական» իշխող մի շարք տոհմերի, այդ թվում և Արշակունիների նախնիների⁶²: Երբ սրա հետ միասին նկատի ենք առնում Իրանական էպոսի ցիլիկերի մեծամասնության արևելաիրանական-միջինասիական ծագու-

⁵⁶ Նույն տեղում, էջ 34:

⁵⁷ Նույն տեղում, էջ 131, ծան. 36:

⁵⁸ Ричард Фрай, Наследие Ирана. М., 1972, էջ 245, 246, ծան. 10:

⁵⁹ Գրիգոր Մալիստրոսի «Թղթեր», Ալեքսանդրապոլ, 1910, լզ. էջ 220:

⁶⁰ Ս. Տ. Երեմյան, Հայաստանը ըստ «Աշխարհացոյց»-ի, էջ 81:

⁶¹ И. С. Брагинский, Из истории таджикской народной поэзии, М., 1956, էջ 124, 317:

⁶² В. В. Бартольд, Сочинения, т. VII, 1971, էջ 391:

մը և պարթևների խաղացած որոշիչ դերը դրանց արևմուտք տարածելու գործում⁶³, ապա պարզ է դառնում, որ խնդրո առարկա շրջաններում առկա իրանական էպոսի հնագույն շերտը առնչվում է Արշակունիների դարաշրջանում ալեսեղ հաստատված «սարթևա-վրկանական» վերաբնակիչների, և առաջին հերթին՝ արևելահայկական էպիկական այս կամ այն հերոսից սերած համարվող դրանց ավադանու հետ:

72 թ. իրադարձություններից հետո Կասպքում և հարակից շրջաններում ապառնա-սպարթևական» վերաբնակիչների հաստատումը մտնում էր Արշակունիների ձեռնարկած բարեփոխումների ընդհանուր սխեմայի մեջ: Սակայն դրանցից ամենակարևորը ծայրամասային առանձին շրջանների ընդգրկումն էր վարչական խոշորացված նոր միավորների՝ կողմնակալությունների մեջ (ինչպես նաև դրանց կառավարման վստահումը հայ ավազանու ներկայացուցիչներին): Մովսես Խորենացին վերջին բարեփոխումները վերագրում է հայ Արշակունիների արքայատոհմի հիմնադիր Վաղարշակին, որն սովանդակաժողովրդություն լինելով հանդերձ հիմնականում պահել է Տրդատ I-ի և նրա ավագ եղբոր՝ սարթևական Իրանի զահակալ Վաղարշ I-ի գծերը⁶⁴: Ըստ նրա, Վաղարշակը հաստատում է «յարեւելից կողմանէ, զեզերը հայկական խաւսիցս, կողմնակալս բիրաւորս զերկուս ի ցեղից տանց նահապետութեանց, զՍիսակեանսս և որ ի Կապմեայ տանէն»⁶⁵: Այնուհետև Խորենացին ավելացնում է. «Յետ նորս մեծ և անուանի և բազմաբիր զարեւելից հիւսիսոյ կողմանն կարգէ կողմնակալութիւն՝ զայր անուանի և յամենայն դործ մշտաւորութեան և հանճարոյ առաջին, զԱռան, առ մեծ զետովն, որ հատանէ զաշտն մեծ, որ անուանի Կուր: Բայց զայս դիտես, զի զցեղս զայս մեծ և անուանի մոռացումն եղև մեղ յառաջնումն մատենին յիշատակել, զգտնոյն որ ի Սիսակայ, որ ժառանգեաց զաշտն Աղուանից և զլեռնակողմն նորին զաշտի, ի գետոյն Երասխայ մինչև ցամուրն որ սսի Հնարակերտ և աշխարհն յանուն բաղդուրթեան բարուց նորա անուանեցաւ Աղուանք զի Աղու ձայնէին զնա: Սւ ի սորա ծննդոց այս Առան անուանի և քաջ կարգեցաւ կողմնակալ բիրաւոր ի Պարթևէն Վաղարշակայ: Ի սորա դաւակաց ասեն սերեալ զսղոյն Ուտեացոց և Գարդմանացոց և Մաղէացոց և Գարգարացոց իշխանութիւնսն»⁶⁶: Հիշյալ նախարարական տոհմերը զխափուրում էին մինչև Մեծ Հայքի 387 թ. բաժանումը գոյություն ունեցած հետևյալ չորս փոխարքայություն-սատրապությունները. Ուտեացի կոչված նախարարական տոհմը՝ բուն Ուտիքում, Գարդմանացին՝ Գարդմանում, Մաղէացի-Կաղմյանը՝ Արցախում և Սև-վանա լճի հարավ-արևելքում, իսկ Գարգարացի կոչված նախարարական տոհմը՝ Կասպքում, կենտրոն ունենալով Գարգարացվոց գաշտը Փայտակարան բաղաբով⁶⁷: Ըստ երևույթին, այսպիսի փոխարքայություն-սատրապություն կամ Խորենացու տերմինով ասած՝ կողմնակալություն, գոյություն ունեցել է

⁶³ M. Boyce, Some Remarks on the Transmission of the Kayanian Heroic Cycle, „Serta Cantabrigiensia“, 1951, էջ 49—51; Zariadres and Zarer, BSOAS, vol. XVII, 1955, էջ 476; The Parthian „gōsān“ and Iranian Minstrel Tradition, IRAS, 1957, էջ 10—43:

⁶⁴ «Հայ ժողովրդի պատմություն», հատ. II, էջ 791, ծան. 103:

⁶⁵ Խորենացի. Բ, ր:

⁶⁶ Նույն տեղում:

⁶⁷ Ս. Տ. Երևմյան, «Մաղէացոց իշխանություն», ՀՊՍՀ ԳԱ «Տեղեկագիր», 1960, № 7—8, էջ 46, 48:

նաև Կասպքի հարևան Պարսպատունիքում (հնում այն ներառելու էր նաև հարևան Գաբիթյան գավառը մասամբ կամ ամբողջությամբ)՝ Պարսպատունի կոչված նախարարական տոհմի գլխավորությամբ։ Այս առումով որոշակի իմաստ է ստանում լիարկված շրջաններում պարս քաղաքիչով տեղանունների դիտություն փաստը։ Դրանք են. 1. Խոտ-Պարսևան, այսպես էր կոչվում մտիքի գավառներից մեկը (ծագում է համանուն դեսանունից), 2. Պարսավան, Արցախի գավառներից մեկի անունն էր, 3. Պարս կամ Աշխարհն Պարսից, նրբեմն այսպես էր կոչվում Կասպք-Փայտակարանը, 4. Պարսպատունի, ինչպես գիտենք սա անվանումն էր արևմուտքից Կասպին հարող գավառի, 5. Պարս (լատին. Paresaca), այսպես էր կոչվում Պարսպատունիքից հարավ-արևմուտք տարածված Գաբիթյան գավառում, Ատրպատականի սահմաններից ոչ հեռու գտնվող մի բնակավայր⁶⁸։

Հիշյալ տեղանունների հիմքում ընկած պարս քաղաքիչը նույնական է հին իրանական pars տերմինի հետ, որը ծագում է pars «կող, կողմ» բառից (հմտ. ավեստայի parəsu «կող», parəsu «կողմ», օսերեն fars «կողմ, ծայրամաս», պարսկերեն پارس pahlū «կող, կողմ, ծայրամաս»)։ Ըստ Ի. Մ. Դյակոնովի, հին Իրանի հարավային ծայրամասի Pārsa (Պարսք, Ֆարս), արևմտյան ծայրամասի Parsua < *Parsava և հյուսիս-արևելյան ծայրամասի Parθava (Պարթևք, խորասան) անվանումները բխում են հին իրանական *pars-, *parsav- բառից՝ անցնելով սեմանտիկ զարգացման հետևյալ փուլերը. կող > կողմ > ծայրամաս, ծայրերկիր (հմտ. Украина < украинна, окраина < край)⁶⁹։

Կասպքի նաև Պարսք, Աշխարհն Պարսից կոչվելը, Պարսպատունիք գավառի անվանումը, ինչպես նաև Գաբիթյան գավառում Պարսք անվամբ բնակավայրի գոյության փաստը հիմք են տալիս ենթադրելու, որ վերոհիշյալ փոխարքայություն-սատրապությունները՝ որպես առանձին վարչական միավորներ, պարթևական տերմինով կոչվել են պարս (< pars «ծայրամաս, ծայրերկիր»), իսկ հայերեն համապատասխան տերմինով՝ կողմնակալություն։

Խոսելով հայերենի իրանական փոխառությունների մասին Ռ. Ֆրայը գրում է. «Շատ անգամ դժվար է որոշել՝ դորժ ունենք արեմենյան թե ավելի ուշ ժամանակաշրջանի փոխառությունների հետ, մի բան, որ ամենից առաջ պայմանավորված է պարթևական բառապաշարի մի նշանակալից մասի արխաիկ բնույթով»⁷⁰։ Նույն դժվարության առաջ կկանգնեցնեն մեզ պարս տերմինը, եթե մեր ձեռքի տակ չլինեն խորենացու վերոհիշյալ հազորդումը հայ Արշակունիների արքայատոհմի ավանդական հիմնադրի կողմից վերոհիշյալ շրջաններում կողմնակալություններ ստեղծելու և այնտեղ կողմնակալներ նշանակելու մասին։

Ըստ երևույթին, արևելյան փոխարքայություն-սատրապությունների (կողմնակալություն, պարս) կառավարիչ-փոխարքաները կոչվել են ոչ միայն կողմնակալ, այլ նաև պարթևական համապատասխան տերմինով՝ պարսպատ (< *pars-pati «պարսի պետ», «ծայրամասի պետ»)։ Այդ տերմինը պահպանված է Պարսպատունի տեղանվան մեջ, որը կարող էր առաջանալ որպես տոհ-

68 Մ. Տ. Երևան, Հայաստանը ըստ «Աշխարհացոյց»-ի, էջ 67, 79, 88։

69 И. М. Дьяконов, История Мидии, М.—Л., 1956, էջ 69։

70 Ричард Фрай, նշվ. աշխ., էջ 174։

մանուն (Պարսպատ-ունի) ընկալված պարսպատ տիտղոսից (հմմտ. Ասպետունի և ասպետ, Մաղխագունի և մաղխագ, Մարդպետական և մարդպետ): Հավանաբար, պարս-երի պաշտպանության համար առանձնացված և պարսպատ-կողմնակալների հսկողությանը հանձնված հատուկ կայազորները (կամ դրանք տրամադրող ցեղերն ու տոհմերը) կոչվել են պարս-ական, պարս-եան: Այստեղից էլ՝ հյուսիս-արևելյան կողմնակալությունների մեջ մտնող Պարսական (Արցախում) և Ռուս-Պարսեան (Ուտիքում) գավառների անվանումները:

ПАЙТАКАРАН И ПАРСПАТУНИК
В ТРЕТЬЕЙ ЧЕТВЕРТИ I ВЕКА Н. Э.

С. Г. ПЕТРОСЯН

(Р е з ю м е)

Упомянутые в «Армянской географии» («Ашхарацуйце») области Пайтакаран и Парспатуник (у Страбона—Каспиана и Басоропеда), в начале II в. до н. э. были отняты у атропатенских мидийцев и включены в состав древнеармянского государства. Сведения, имеющиеся у Корнелия Тацита, Носифа Флавия и Мовсеса Хоренаци, прямо или косвенно касаются этих земель и дают возможность в общих чертах восстановить их историю в третьей четверти I в. н. э.

Набег «северян» (сарматских и нахо-дагестанских племен Северного Кавказа) на восточное Закавказье заставили братьев-венценосцев Аршакидов (Вологеза I — шаханшаха Ирана, Тиридата I — царя Великой Армении, Пакора — царя Атропатены) предпринять ряд действий для защиты восточных границ Армении и северных границ Атропатены против набегов «северян».

После знаменитого аланского похода в 72 году, когда большинство из пришлых «гирканских» и местных племен Каспианы не противостояли «северянам», а, наоборот, содействовали им, Аршакиды, больше не доверяя им, принудили значительную их часть покинуть эти места и переселиться во внутренние районы Армении. Из их родоплеменной знати вышли такие известные нахарарские роды раннесредневековой Армении, как Аматуни и Аравелян. Позднее Аршакиды в этих окраинных землях положили начало наместничествам (арм. термин — կողմնակալութիւն, парф. термин — pars), причем наместниками (կողմնակալ, parspati) назначали представителей армянской знати.